

盟旗疆域沿革

疆遠通志稿卷一下 第三冊

綏遠通志稿卷一下

盟旗疆沿革

綏遠省地方行政制度。有大異於內地各省者。厥為同一地域。內有縣局管轄與蒙旗管轄。二重施治。權並時存在。是此蓋自遜清以來。循地理歷史自然之勢。而漸進為今日特異之狀。非一朝一夕所能致。所謂所從來者遠也。溯當明清絕續之交。凡秦晉塞北之地。久為蒙古諸部所駐牧。迨清初天聰崇德暨入關以後之順治康熙諸朝。復先後劃定內外蒙古各部牧地。分封王公扎薩克台吉等。以傳其爵。而守其土。是為塞北蒙疆改部族而建旗制之肇端。亦即三百年來各安封界。互尊祖業之成規也。惟清自建國後。經順治康熙兩朝七八十年之懷柔安輯。於前明所創凜不可犯之漢民出塞禁令。已漸由寬緩而日

近於廢弛。於是內地人民之經商而往來懋遷者。務農而春出
秋歸者。亦皆由流動而漸進為定居。由孤身而漸成為家室。洎
乎雍正乾隆之間。凡綏屬近邊諸旗地。已蔚為農牧並營。蒙漢
共居之鄉。故乾隆中設廳置道。皆擇人煙較密。畝較多之區。
蓋以農商既眾。就國家之政治系統及民事之需要言。誠有不
能不設官守。以為撫循約束之資耳。觀乎初設之同知通判各
廳。皆以撫民為職銜。其意若曰。地雖蒙旗之地。而民則國家之
民也。既有國家之民。則國家即不能不負撫循監護之責。故凡
農商祖旗地。而納租於蒙旗可也。納租以外。而並負人民對國
家之一切義務。則不可也。易詞言之。即人民對國家之義務。仍
應對國家負之。不能因其居旗境而遂移其義務於蒙旗也。蓋
未行設廳道以前。出塞之民。舊習相沿。皆被治於所在之旗。自

撫民有專司。而廳與旗之權限始判然劃分矣。厥後民事日繁。乃更以撫民而兼理事銜。則行政意義之由撫而進為理。其跡尤昭然可觀。此為今日縣局創制之嚆矢。亦即縣與旗同地共治之所以並存也。總之設治之初旨。本謂旗以治蒙。廳以治漢。但行之踰百年。更進而成今日省縣之制。則縣與旗已同處於有治之下。其相須為用。當視曩時為愈亟。惟是縣之疆域亦尚有未能悉括旗地者。茲更就綏境盟旗大勢。述其疆域沿革。可考之蹟。以與縣局沿革為互相參證之資焉。

烏蘭察布盟

烏蘭察布者。六旗合組為盟之總名也。所謂六旗。曰四子王旗。曰喀爾喀右翼旗。曰茂明安旗。曰烏喇特中旗。曰烏喇特前旗。曰烏喇特後旗。是也。六旗牧地大部皆在陰山以北。惟烏喇特

前旗俗稱西公旗者。稍伸至烏喇山南黃河北岸。較其他五旗為徽南耳。當清初編定內外蒙古各旗時。以此六旗共組為一盟。並由清廷指定以烏蘭察布為每年會盟之地。蓋其地有河名烏蘭察布。因以河名呼其地。更以地名呼其盟。實則河名烏山。以抵戈壁。二三百或四五百里不等。戰國以前宿為匈奴牧獵之區。自趙武靈王攘地。以有雲中九原。築長城以塞陰山。高關。遂使今之所謂烏盟全境。益隔絕於秦趙諸國邊徼之外。厥後歷秦洎漢。雖不惜一再以數十萬之眾。勞師遠征。如史所稱絕梓嶺。梁北河。踰陰山。度大漠。以斥逐匈奴。而略其地。然地則既得而復失。敵則旋去而復來。終秦漢之世。卒不能郡縣其土。而久有其人。此固因其地鄰瀚海。風土荒寒。草萊雖茂。宜於牧。

者不必適於農。氈酪雖優，嗜於胡者不必美於漢也。故由戰國以逮漢末，此地仍久為匈奴民族滋生繁息之邦。觀史記匈奴傳，謂匈奴單于庭南直代雲中，左直漁陽上谷，右直北地上郡。可知當日之匈奴，除左部南直漁陽上谷者不屬綏境外，其中部之單于庭及右部之南直北地上郡者，大率皆在今烏蘭察布全盟六旗境內也。迨後魏拓跋氏以鮮卑族崛起東北，不數世而力西漸，先有漢定襄雲中故地，繼復盡服漠南諸部，而有其地與人。於是自昔所稱為匈奴久踞之邦，至此而悉入於後起鮮卑之手。然其時柔然一族仍沿其先世牧獵騎射之風，嘗出入於大漠南北，以與魏人構釁。此又魏人於今烏盟境內為備柔然計，所以有懷朔武川諸鎮之肇建也。未幾魏分東西，而高齊與宇文周並起而篡之。雖今之烏盟東部鄰於齊，西部

鄰於周。然兩國所爭。重在中原。其於邊徼之經營。殆皆以國力不遑置之。當是時。分踞北方之匈奴。鮮卑。柔然。勅勒諸部。已由盛而衰。漸成弩末。燼餘之勢。而突厥一族。則又乘其新興驍悍之氣。破竹東來。使今烏盟全境。向為鮮卑取於匈奴者。乃更轉為突厥雄據之地。觀隋代至於唐初。正當突厥方盛之時。其可汗之雄黠者。如沙鉢略。始畢等。率皆列帳陰山。控制烏盟各地。隋書稱沙鉢略可汗治都金山。山在今歸綏縣治東北百餘里。俗呼斗金山。蓋其地南可以控漢雲中。定襄。雁門諸郡。而北亦可以綰後魏。懷朔。武川。撫冥諸鎮也。其後啟民可汗見迫於雍虞閭。乃分部南遷。展轉金河。大利間。而烏盟一帶。遂盡為別部突厥所據。鄭漁仲通志謂隋氏版圖。北至五原。實則隋以豐州為五原。僅得漢之朔方。限於套境。黃河南岸而已。若河外以及

陰山以北。仍為別部牧區。唐初所分諸都督府及羈縻州亦大率以啟氏、頡利、舊屬為限。未能悉取。陰山大漠之間而郡縣之也。唐至中葉以後。突厥族之近南者多同化於唐。而益內徙。近漠者亦因避侵伐而移極北。如開元十三年。御賜突厥可汗闕特勤碑。今在庫倫北約千里之烏金斯克地方。則北部突厥之遠徙。即此可以為證。而回紇（即回鶻）一族亦遂乘突厥之或衰。蹈瑕東漸。以佔有今烏盟各地。如景龍中。朔方總管張仁愿以朔方舊與突厥以黃河為界。因偵知默啜可汗西出。乃奏請乘機奪取漠南地。此為中葉前突厥尚據烏盟之一期。又元和志稱磧北為回鶻本部。又云安北都護府至回紇界七百里。此為中葉後回紇（回鶻）已逐步侵入烏盟之一期。比及唐末。復有契丹族驟起於東。其土地之擴展。隨國勢兵力之遞增。而日

迫近於西。觀遼史載神冊中太祖所平西北諸國及諸部族表。則五代初期爲盟境內之回紇、回鶻與夫弱小各部或走或降。悉以故地服屬於契丹。此又由唐末歷五代至北宋爲盟入於契丹之一期也。其後女真亦起於遼東，承契丹之舊業，以有爲盟。二族規制大體相似，即皆以其地分隸於豐州、東勝、雲內而總隸於西京道興路也。蒙古起漠北，先破塔塔部，以奪塞北之地。於是今之爲盟遂啟蒙族遊牧之基。元社既屋，明洪武永樂兩朝嘗再三北征，冀以驅元裔而定漠南。然擾攘近百年而終未能各遂其北蕩南牧一勞永逸之願。迨明中葉後，中朝疆吏自薊遼宣大延綏以往諸督臣總鎮皆割邊自守，不復作遠征攘地之舉，而蒙古各部族更相繼推戴小王子，達延汗諳達諸人為君主，以資號施，而謀自固。於是自漠以南悉爲察罕部蒙

古汗所轄。而今之烏盟則又察罕部右翼濟農所統之北界遊
牧地也。及滿洲起於遼東。東部各蒙族漸為所併。至天聰間有
呼倫貝爾與喀爾喀數部。各率其屬降於清。因併賜牧於陰山
大漠之間。是為今烏盟六旗之肇始。亦即全盟疆域沿革最後
之一階段也。今就六旗轄地依次述之如左。

四子王旗。舊籍亦稱四子部落。其牧地在綏遠城東北。大青山
後。戰國至秦。歷為匈奴所居。漢置沿邊列郡。實為雁門定襄徼
外地。亦即匈奴中部單于庭所在處也。後魏置北邊六鎮。以地
隸撫冥。唐隸振武軍。兼單于大都護。遼為豐州。東北境隸西京
道。金隸西京路。元以旗屬西北隅隸淨州路。西南隅隸沙井總
管府。皆駙馬趙王傳世食邑也。明為察罕部蒙古汗右翼屬地。

清兵既逐察罕部林丹汗。因以此地賜諾延泰之四子為牧所。今仍為其子孫世守云。

重修清一統志。漢雁門及定襄郡北境。晉為拓跋氏地。唐為

振武軍地。遼為豐州地。屬西京道。全屬西京路。元屬大同路。

明為阿祿喀爾喀所據。後分與諸子。號曰對因駒子。是為四

子部落。本朝天聰七年。鄂木布來朝。崇德元年。賜號達爾漢

卓哩克圖。順治六年。封多羅郡王。世襲掌旗。

蒙古遊牧記。元太祖弟哈布圖。哈薩爾十五世孫諾延泰與兄

昆都倫岱青。同遊牧。呼倫貝爾有子四。長僧格。號墨爾根和

碩齊。次索諾木。號達爾漢台吉。次鄂木布。號布庫台吉。次伊

爾札布。號墨爾根台吉。四子分牧。而處。後遂為所部。稱札薩

克多羅達爾汗。卓里克圖郡王。游牧。天聰間。四子相繼朝貢。

從征有功。崇德元年。授鄂木佈札薩克。賜號達爾漢卓里克圖。俾統所部。順治六年。封多羅郡王。世襲罔替。牧地有錫喇察漢諾爾。錫喇水倫河。瀕焉。東至什吉固圖山。南至伊柯塞爾。拜山。西至巴顏鄂博。北至沙巴克圖。東北至額爾柯圖。鄂博。西北至查爾山。東南至托克托瓦陀羅海。西南至察罕和碩。札薩克駐烏蘭額爾濟坡。所部與茂明安。烏喇特。喀爾喀。右翼諸部。統盟於烏蘭察布。

案一統志。謂元隸大同路。其意殆以為元承遼金之舊。於兩朝遺制。當重因襲。而少變革。故漫以隸大同。一語了之。其實元於豐州北境。另析置二三下路。不隸大同。其詳已見省縣沿革。茲不更贅。至所謂阿祿喀爾喀。譯應作後外蒙。蓋阿祿為後之意。而喀爾喀為外蒙古之總稱。語亦

| | | | | | | | | | | | |
|--|--|--|--|--|--|--|--|----------------------------|--|--|--|
| 與 大 同 路 分 立 明 為 察 罕 部 蒙 古 汗 屬 地 其 漠 南 各 部 悉 為 清 | 蓋 旗 境 與 四 子 部 之 西 北 隅 皆 淨 州 轄 地 也 元 以 淨 州 為 下 路 | 北 境 隸 西 京 道 金 以 舊 天 山 縣 升 淨 州 為 豐 州 支 郡 隸 西 京 路 | 建 六 鎮 以 地 屬 武 川 唐 隸 振 武 軍 兼 單 于 大 都 護 府 遼 為 豐 州 | 城 北 大 青 山 後 戰 國 至 秦 漢 皆 為 雲 中 徼 外 地 匈 奴 居 之 後 魏 | 析 置 兩 部 東 西 分 牧 此 旗 為 西 部 故 稱 右 翼 也 其 牧 地 直 綏 遠 | 百 靈 旗 清 初 此 旗 之 人 來 自 喀 爾 喀 遂 仍 用 喀 爾 喀 為 名 又 因 | 喀 爾 喀 右 翼 旗 俗 稱 達 爾 汗 貝 勒 旗 又 訛 貝 勒 為 百 靈 遂 又 稱 | 喀 爾 喀 右 翼 旗 | 貝 勒 旗 之 正 名 似 亦 不 應 牽 混 於 四 子 部 內 也 | 倫 貝 爾 諾 延 泰 之 子 孫 耶 不 然 喀 爾 喀 右 翼 為 今 達 爾 汗 | 欠 分 曉 不 知 此 指 達 延 汗 之 子 孫 耶 起 於 外 蒙 柳 即 指 呼 |
|--|--|--|--|--|--|--|--|----------------------------|--|--|--|

軍所併。至順治間。有喀爾喀中路台吉名本塔爾者。率所屬千
餘戶來降。因賜牧於塔爾渾。與愛布哈二河交流處。並封本塔
爾為扎薩克親王。再傳降襲多羅貝勒。故有貝勒旗之稱。民國
初。以翊贊共和功。又晉爵為王。今仍承襲勿替焉。

重修清一統志。漢定襄雲中二郡北境。唐為振武軍地。遼為
豐州地。屬西京道。金屬西京路。元屬大同路。明為喀爾喀所
據。素役屬於土謝圖汗。後與有隙。其台吉本塔爾遂率部落
來降。本朝順治十年。封為和碩達爾漢親王。世襲掌旗。康熙
四十七年。其孫詹達固密降襲多羅達爾漢貝勒。

蒙古游牧記。本塔爾世為喀爾喀中路台吉。順治十年。本塔
爾以與土謝圖汗隙。率其弟巴什希札木素額璘沁及從弟
袞布攜戶千餘來歸。賜牧塔爾渾河。是為喀爾喀右翼札薩

克多羅達爾漢貝勒游牧。初本塔爾來歸。封北薩克和碩達爾漢親王。世襲罔替。本塔爾卒。子訥內襲。訥內卒。子詹達固密降。襲多羅貝勒。牧地有愛布哈河。塔爾渾河。合流。瀕為阿勒坦托輝諾爾。東至額古爾圖華。南至哈達滿勒河源。西至烏蘭戶特圖克。北至岳索山。東南至陀索圖鄂博。西南至魏邁烏蘭和碩。東北至察爾山。西北至塔起爾克圖鄂博。札薩克駐塔爾渾河。隸烏蘭察布盟。

案一統志謂漢定襄雲中二郡北境實則旗僅位雲中北塞外。殊與定襄無涉。良以旗之南界去雲中北徽陰山寨猶二百餘里。况定襄又在雲中之東南。安得謂旗即定襄北境乎。又考魏書。當後魏之初。陰山以北嘗為高車賀蘭柔然諸部所踞。觀什翼犍避秦兵踰陰山。見侮於高車。拓

跋珪避內難踰陰山託庇於賀蘭以及後魏諸帝數征柔

然史作蠕蠕巡幸漠南皆足為匈奴鮮卑代興時嘗為其他部

族迭據之證而旗地富亦為其紛爭搶攘之處也又考旗

境之塔爾渾河譯為肥沃之意惟愛布哈河無意義可尋

訪諸父老據云河名始於元太祖當其初次南下時軍行

久不得飲馬處有嚮導言前有大河比驅至即此河太祖

哂曰唉已噶其意以為是小流耳何云大耶蓋蒙語謂小

曰已噶其冠以唉者失聲之嘆詞也今言愛布哈遂不可

解云

茂明安旗

茂明安旗一稱茂明安札薩克旗因其最初以世襲一等台吉

授札薩克編旗故不列於王公而但稱其職此與伊盟之札薩

克旗。同為旗制特例也。茂明安旗牧地。在綏遠城西北大青山。後秦漢以前為匈奴地。漢為五原塞外地。後魏置六鎮。以地屬懷朔。隋為北部突厥所據。唐為振武軍兼單于大都護府轄境。遼屬東勝州。隸西京道。金因之。元隸德寧路。明入於蒙古。清初有車根者。自號所部曰茂明安。率所屬千餘人。自呼倫貝爾降清。因賜牧於此。後授其子僧格為札薩克一等台吉。俾世守其業焉。

蒙古遊牧記。元太祖弟哈布圖哈薩爾十四世錫喇奇塔特。

號土謝圖汗。有子三。游牧呼倫貝爾。其長多爾濟。號布顏圖。

汗子車根嗣。號所部曰茂明安。札薩克一等台吉游牧。天聰

七年。車根率其族千餘來歸。子僧格。康熙三年。授札薩克一

等台吉。世襲罔替。牧地當愛布哈河源。東至黃烏爾。南至固

爾班哈喇陀羅海。西至哈喇達葛。北至伊克爾德阿濟爾葛。
 東南至魏邁烏蘭和碩西南至吉蘭陀羅海。東北至蘇朗。西
 北至土勒札圖鄂博。札薩克駐徹特塞里隸烏蘭察布盟。
 案茂明安旗牧地。自秦漢以前。即為匈奴民族所固有。迨
 漢末。匈奴衰微。其後遂迭為鮮卑突厥回紇契丹女真蒙
 古諸大部族所遞有。而諸小部族如高車柔然賀蘭鐵勒
 丞那塔塔等之倏起倏滅。出入於其間者。尤不可勝計。故
 由戰國歷秦漢隋唐。以迄於今。其建置之可稽者。僅後魏
 之懷朔鎮。元之德寧路。為與旗地。差近耳。此外若漢之光
 祿塞。雖在旗南。然亦僅置為防邊要隘。非即以此為統轄
 也。乃清一統志述茂明安建置沿革。除後魏系諸懷朔不
 誤外。於漢系諸五原。已不能無疑。然猶可以鄰近為辭。至

於隋而系之勝州榆林郡。唐而系之東勝州。則不特隋之
州郡遠在套境。史無度黃河踰陰山而統有漠南一帶之
明文。即唐之建置。又何嘗有東勝州之名號乎。考東勝州
本始於遼。因當時西夏據河套。遼不能得勝州故地。乃別
置於套東。遂以東勝為名。又因轄地未能西展。乃北伸於
陰山以北。以統今之旗境。然則旗地之屬東勝。僅遼金兩
朝為然耳。一統志誤於隋。而更誤於無東勝之唐。其遺誤
後人為何如耶。是以本條不采其說。張氏遊牧記知其然。
故於唐則系諸振武軍。所見較是矣。然詳考唐制。軍民蕃
漢皆各有其分管之官。如管民政則歸州刺史。管蕃戶則
歸羈縻州。及都護都督。管軍馬則歸節度使。其軍民蕃漢
兼管者。則有總管觀察等職。故節度使必兼領刺史都護。

觀察之一。乃可以循兼職而問政事。觀唐書節鎮諸傳。凡
轄地治民之節度使。殆鮮有不兼領他職者。即漠南各地
之隸振武軍。亦正以振武節度恒兼領單于大都護耳。遊
牧記祇言軍而略都護。亦稍疏矣。

烏喇特三旗。亦稱三公旗。因烏喇特為其全部之總名。內分中
前後三旗。各以鎮國輔國等公為世爵。故烏喇特三公旗或連
稱。或分稱。皆得為北部統括之名詞。其共有牧地幅員頗廣。自
陰山西段以北。及後套狼山與烏拉山前後。皆在三旗轄境內。
戰國以前。本亦匈奴地。其後趙武靈王。秦始皇相繼築長城。並
以高關為要塞。即今旗界之狼山口。故秦時於山南置九原。於
山北置北假。漢棄徼外北假。而改山南九原為五原。漢末邊郡

既廢。北魏乃於東起濡源之六鎮。西端置沃野一鎮。今烏喇特
之西部地。即當時沃野鎮所屬也。隋嘗於旗境築大同城。屯軍
駐守。後以突厥侵擾。遂退保五原塞。唐初分隸於瀚海。呼延等
都督。嗣改隸天德軍。兼安北都護。遼屬雲內州。隸西京道。金因
之。元改雲內為下州。隸大同路。明初為瓦剌所據。清未入關。以
前有部長名布爾海。先遊牧於呼倫貝爾。後移於此。名所部曰
烏喇特。旋分部為三天聰間。其子孫率屬降於清。順治五年。以
軍功封巴圖為鎮國公。掌中旗。封諤班為鎮國公。掌前旗。封巴
克巴海為輔國公。掌後旗。即賜牧於河套北陰山。狼山。烏拉山
之間。至今三旗子孫仍能各守其業。計前旗駐牧黃河北岸。最
近南。約有烏拉山前後各地。中旗在狼山後。當前旗之西北方。
後旗在陰山後。當前旗之東北方。三旗疆域率依習慣以天然

之山川為界。殊無特設顯明之標識。故三旗往往自稱為一家云。

重修清一統志。秦置九原郡。後廢。漢元朔二年復置。更名五

原。後漢因之。漢末郡廢。後魏置懷朔鎮。唐景龍二年張仁愿

於河外築三受降城。此為中受降城地。遼置雲內州。屬西京

道。金屬西京路。元屬大同路。明初廢。為幹喇所據。是為烏喇

特。本朝天聰七年。其台吉鄂木布色楞圖巴來歸。順治五年

封圖巴為鎮國公。世襲掌中旗。至嘉慶七年。以喇特那巴

襲封。凡十世。封鄂木布子謬班為鎮國公。世襲掌前旗。至乾

隆五十六年。以巴圖鄂齊爾襲封。凡十三世。封色梭子巴

克。巴海為輔國公。世襲掌後旗。至乾隆五十三年。以多爾濟

帕。拉穆襲封。凡八世。

| | | | | | | | | | | | |
|------------------------|---------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|
| 案明之瓦剌雖亦蒙古種而與元裔非一族故明史於韃 | 爾隸烏蘭察布盟 | 北至蘇朗西北至塔起勒克圖鄂博三札薩克同駐哈達瑪 | 墨突北至伊克爾德阿濟爾噶東南至黃河西南至黃河東 | 河套北岸噶札爾山之南東至黃烏爾南至黃河西至拜塞 | 巴克巴海掌後旗封輔國公各授札薩克世襲罔替牧地當 | 掌中旗封鎮國公鄂木布子諤班掌前旗封鎮國公色梭子 | 橫頌其衆天聰七年率屬來歸順治五年叙從征功以圖巴 | 所部為三長子賴噶孫鄂木布幼子巴爾賽孫圖巴曾孫色 | 旗札薩克鎮國公後旗札薩克輔國公同游牧布爾海後分 | 牧呼倫貝爾號所部曰烏喇特三旗中旗札薩克鎮國公前 | 蒙古游牧記元太祖弟哈布圖哈薩爾十五世孫布爾海游 |
|------------------------|---------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|

韃傳後別立瓦剌傳。以叙其世次而辨系統。此即本志疆域沿革總論中紀春秋時赤狄白狄之異也。惟明初瓦剌部長妥歡太師嘗娶元皇室公主。是以其子也。先為元室甥。因嘗扶元裔為蒙古汗。此又瓦剌與韃韃雖非同族。而又有其密切之關係在也。今之烏喇特依清一統志所述。似即明之瓦剌。而又轉其音為幹喇者。依張氏遊牧記所述。則似元太祖弟哈布圖哈薩爾之子孫。自名所部曰烏喇特。初與瓦剌無關者。實則兩書之文皆得其半。而昧其半。遂致彼此^捍格而不克相通耳。考元太祖^初世祖之平諸部。每得一地。輒拔其丁壯及百工技藝之人。以編隸於子弟。羣從暨諸將校。俾統率之。而成一旅。迨從征既久。則昔之選拔而來者。漸成不可離之部曲。厥後主將受封或食

邑某方。或賜收某地。則昔之部曲相隨者。遂變為永世隸屬之部民矣。於是此部之稱號。即往往以所統種族之名。以為名。此猶之清季軍制。諸將所統兵士。募自湘者。則稱湘軍。募自淮者。則稱淮軍。而諸將官之本籍。不必其果皆湘與淮也。是故自元明清以來。內外蒙古各盟部旗之稱號。驟聞之。頗有不似韃靼族者。然更進而叩其王公貴族之世系。則又十九皆元之苗裔。或其功臣之子孫。鮮有外於斯二者。於是乃知今世各盟旗所謂元裔也者。惟其王公貴族為然耳。至於部民。非特不限於韃靼族。亦並不限於瓦剌族。不過元代成功時。概以蒙古一語括之。遂使多數部族人民。悉泯然忘其名稱所由來。此皆歷史簡略與夫語言制度之融化。驅策有以使然也。由是觀之。則遊牧

記以爲喇特爲哈布圖哈薩爾之子孫者就貴族言之非
誤也。一統志以爲即明之瓦剌者就部民言之亦非誤也。

伊克昭盟

伊克昭者鄂爾多斯部左右翼七旗共組爲盟之總名也所謂

七旗曰左翼中旗曰右翼中旗曰左翼前旗曰左翼後旗曰右

翼前旗曰右翼後旗曰右翼前未旗是也七旗牧地皆在綏遠

城西南河套境內南依長城與陝西省分界西隔黃河與寧夏

省及阿拉善旗分界東亦隔黃河與山西省分界北暨東北皆

密連有界與烏喇特及土默特接壤仍隔河故七旗全部大勢

以險要言誠可謂三面拒河一面當關也惟左右兩後旗屬地

頗有踰河向西北伸入後套與烏喇特犬牙相錯者此蓋別有

事故非原制如此或謂烏喇特嫁并牧地贈之云而東部與南

部毗連晉陝處。則有河曲、神木、府谷等縣。農民沿套邊開墾。漸成村落。於是縣政所及。亦往往與東南數旗生連繫焉。顧此七旗王公。本為同系之子孫。雖劃區分牧。各自成旗。然每年必藉公祭成吉思汗日。舉行全部會盟一二次。既可以研利弊而決庶政。復可以叙尊卑而聯族誼。此種典禮行之殆逾三百年。而盟之意義。即此可以概見。至其會盟地址。依清制當在右翼後旗界內。一大喇嘛寺。蒙語謂大曰伊克。謂喇嘛寺曰昭。因其會所為一大寺。故即稱其盟曰伊克昭也。唯七旗近年會盟。皆於夏歷三月。就成吉思汗陵園行之。不必再至後旗大寺。此或因其偏處西北。與七旗相去遠近不均。不若陵園之居中而道埒。歟。但此改易不知始自何時。而今世俗相傳。則以為所謂大寺者。即指成吉思汗陵墓言之也。斯特就近蹟揆度耳。全部幅員

廣袤可二千里。自戰國以來，常為西北諸族與歷朝交爭之地。秦先驅諸戎，以有南部地，因以為上郡北境。嗣更斥逐匈奴，以取河南，遂以為新秦中。漢沿之，置朔方郡。其後歷朝或得或失，或置或廢，或羈縻以居，降戶或割據以界梟雄。凡二千餘年間，史載犖犖諸大端已詳。省縣疆域沿革中，茲固無須刺刺復述也。唯考套境之入於蒙古，自元亡以後，實始於明之天順間。歷更數部頻相攻，展轉至正德中，有達延汗之子，以右翼濟農擊破諸部，居之，並令其眾子分牧於套境，是為今日伊盟全部鄂爾多斯七旗開創之肇端。但爾時僅稱部落，而未定盟旗之號。直逮清初，始各按原部轄地之廣狹，統眾之多寡，編定大小各旗，而更劃定以數旗為一盟，即鄂爾多斯之七旗亦皆遵此制，而勿替者也。茲依次述之如左。

左翼中旗

鄂爾多斯左翼中旗亦稱郡王旗其牧地居河套正中而稍偏

東秦為新秦中之東南境漢為西河朔方上郡三郡接界地隋

唐為勝州轄境自唐以後歷代史事皆詳本志古蹟故城及省

縣疆域沿革中明中葉蒙古阿勒綽爾與瑪古里海等部始入

河套後復有嘉勒斯賚滿都爾等繼至已而和碩特部亦侵入

套境和碩明史遊牧記嘉靖中察罕部長達延汗之孫號車臣

汗者襲右翼濟農職案此右翼為察罕全右翼統率乃擊

破和碩居之是為鄂爾多斯有子九人分牧而處服屬於察罕

部自車臣汗傳至其曾孫博碩克圖察罕林丹汗惡之奪其濟

農職清天聰九年察罕部滅博碩克圖子額璘臣來歸賜復濟

農號順治六年來朝封多羅郡王此即左翼中旗稱郡王旗之

由來亦即當初所以為鄂爾多斯七旗領袖之由來也。
重修清一統志。左翼中旗駐套內南近東敖西喜峯在扎拉
谷西一百六十五里。東西距一百十五里。南北距三百二十
里。東至繇額爾吉廟左翼前旗界六十五里。西至插漢額爾
吉右翼前旗界五十里。南至神木營邊城界二百里。北至喀
賴泉右翼後旗界一百二十里。東南至賀岳爾門綽克邊城
界一百八十五里。西南至額勒蘇忒五藍拖羅海邊城界六
十里。東北至噶海拖羅海左翼後旗界九十里。西北至喀喇
扎喇右翼後旗界九十里。本隋唐勝州地。明嘉靖間為鄂爾
多斯所據。本朝天聰九年。其濟農額璘臣來歸。順治六年。封
為多羅郡王。世掌左翼中旗。
蒙古游牧記。元太祖十六世孫巴爾蘇博羅特達延汗之第

三子也。始命為管領右翼三萬人濟農。長子衮弼里克圖墨爾根。明史謂之古囊。嗣為濟農。號車臣可汗。嘉靖中擊破火篩。居之。是為鄂爾多斯。有子九分牧而處。服屬於察哈爾。今鄂爾多斯七札薩克皆其裔。又曰左翼中旗本隋唐勝州地。札薩克多羅郡王游牧衮弼里克圖墨爾根曾孫博碩克圖。林丹汗惡之。奪濟農號。天聰九年察哈爾滅。子額璘臣來歸。賜復濟農號。順治六年來朝。封多羅郡王。世襲。周替牧地。有納瑪帶泊。東至衮額爾吉廟。南至神木營。西至察汗額爾吉。北至喀賴泉。東南至賀岳爾門。綽克。西南至額勒蘇特烏蘭陀羅海。東北至噶該陀羅海。西北至喀喇札喇。札薩克駐鄂錫喜峯。

案一統志之教西喜峯。即游牧記之鄂錫喜峯也。

右翼中旗。鄂爾多斯右翼中旗。亦稱鄂托克旗。其牧地居套境偏西而近南。漢為朔方郡南部。其西南界兼跨北地郡之一隅。自晉末赫連氏置統萬城。其後歷代遂相沿隸夏州。隋唐為豐夏二州轄境。元和中又於其地置宥州。今札薩克為額璘臣族子善丹之子孫。清初善丹受封為札薩克多羅貝勒。世襲罔替。子索諾木孫松喇布兩世以功晉封郡王。後仍襲貝勒。旗南三百六十里有蘇海阿魯山。康熙二十二年札薩克松喇布以牧地狹請移蘇海阿魯。遣侍郎阿喇尼勘奏。距定邊興武營邊或五六十里。或百里。非邊內可耕地。應允其移牧。自是旗之南境乃與陝北邊界相接。而轄地亦視初封時為加長矣。今其子孫猶世守此界焉。

重修清一統志。右翼中旗駐套內正西近南西喇布哩都池。在鄂爾吉虎泊西南二百六十里。東西距三百二十里。南北距四百八十里。東至插漢札達海泊右翼後旗界七十里。西至插漢托海喀爾喀界二百五十里。南至賀通圖山右翼前旗界三百七十里。北至馬陰山右翼後旗界一百十里。東南至庫克拖羅海右翼前旗界一百里。西南至橫城口邊城三百三十里。東北至鄂藍拜右翼後旗界一百二十三里。西北至阿爾布斯山喀爾喀界二百二十里。本漢朔方郡南境。隋唐置豐州。元和中移置宥州於此。明嘉靖間為鄂爾多斯所據。本朝順治初。其台吉從額璘臣來歸封爵。世掌右翼中旗。蒙古遊牧記。右翼中旗本漢朔方郡南境。隋唐置豐州。元和中移置宥州於此。札薩克多羅貝勒游牧額璘臣族子善丹。

崇德六年來朝。順治七年封札薩克多羅貝勒。世襲罔替。子索諾木、孫喇布俱以經理驛站功。晉封多羅郡王。後仍襲貝勒。牧地當騰格里泊。東至察罕札達海泊。南至賀通圖山。西至察罕托輝。北至馬陰山。東南至庫克陀羅海。西南至橫城口。東北至鄂蘭拜。西北至阿爾布坦山。札薩克駐錫喇布里多諾爾。

案右翼中旗牧地。就鄂爾多斯全部論。為最偏西南之一旗。即以綏遠全省疆域論。亦最偏西南之一部也。其地南接陝北。而西連寧夏。南界長城。而西臨大河。幅員廣濶。形勢衝要。雖位亞左中。而富庶實為七旗之冠。蒙語謂高原或村鎮皆曰鄂托克。今右翼中旗佔地高亢。扼黃河東下之衝。而注之北。則旗名鄂托克蓋亦象其地之形勝。而稱

之也。考史記漢書皆言匈奴冒頓單于與東胡爭。既脫。注者謂既脫為棄地。實則既脫即蒙古語之鄂托克。謂高原也。昔成吉思汗臨終遺命葬於大鄂托克。亦即嚙子孫葬彼於大高原耳。可知從來蒙地之以鄂托克為名者殆不一而足矣。至於旗境歷代沿革已詳省縣及沃野設沿局各疆域沿革條。參閱自明。

左翼前旗

鄂爾多斯左翼前旗亦稱準格爾旗。其牧地在河套東北。惟南端斜行向東南。遊牧記謂東南為左翼前旗者。微誤。此旗北與東皆臨黃河。並與綏托縣。晉河曲縣為鄰。清初封額璘臣。從子色棱為札薩克。固山貝子。世襲罔替。是為此旗之祖。其旗境沿革。漢則南部屬西河。北部屬雲中。隋唐以來嘗為榆林郡。勝州。

屬地。逮五代。河套為拓拔氏所據。地遂入於西夏。夏亡乃歸於元。

重修清一統志。左翼前旗。駐套內東南札拉谷。在湖灘河朔。

西一百四十五里。東西距二百四十五里。南北距二百十里。

東至湖灘河朔歸化城土默特界一百四十五里。西至鯨額。

爾吉廟左翼中旗界一百里。南至清水營邊城界一百十里。

北至賀拖羅海左翼後旗界一百里。東南至黑山邊城界八

十五里。西南至額勒默圖邊城界一百里。東北至黃河歸化

城土默特界一百三十里。西北至可退坡左翼後旗界八十

里。本古榆林塞。隋置榆林郡。唐屬勝州。置河濱縣。宋為西夏

所據。明初榆林左衛地。天順後為蒙古各部所據。嘉靖間地

屬鄂爾多斯。本朝順治初。其台吉從額璘臣來歸。封爵。世掌

左翼前旗。

蒙古遊牧記。左翼前旗。本古榆林塞。隋置榆林郡。唐屬勝州。

置河濱縣。宋為西夏所據。明初榆林左衛地。札薩克固山貝

子游牧。額璘臣從子色棱。順治六年封札薩克固山貝子。世

襲固替。康熙十五年卒。十六年追叙復神木城功。子蒙布喇

什。晉多羅貝勒。蒙布喇什卒。子根都什。轄布仍襲貝子。牧地

東至湖灘河。朔南至清水營。西至縣。額爾吉廟。北至賀陀羅

海。東南至喀喇和碩。西南至額勒默圖。東北至黃河。西北至

可退坡。札薩克駐札拉谷。

左翼後旗。

鄂爾多斯。左翼後旗。亦稱達拉特旗。其牧地居河套正北。臨大

河。一統志。遊牧記。謂在東北者。微誤。清初封額璘臣從弟沙克

札為札薩克固山貝子。世襲罔替。是為此旗之祖。其旗境沿革。

漢為朔方郡。東北部。隋唐為豐勝二州。連界處。遼嘗於黃河南

岸置金肅州。後亦淪於夏。

重修清一統志。左翼後旗。駐套內東北巴爾哈遜湖。在黃河

帽帶津西一百四十里。東西距二百八十五里。南北距一百

五十里。東至黃河帽帶津歸化城土默特界一百五十里。西

至插漢額爾吉左翼中旗界一百三十五里。南至阿祿德勒

蘇左翼前旗界一百九十里。北至黑水泊烏喇特界二十里。

東南至阿祿德勒蘇左翼前旗一百九十里。西南至哈西拉

克拖羅海左翼中旗界一百四十里。東北至臺石額勒蘇歸

化城土默特界八十五里。西北至綽和爾末里圖烏喇特界

三百七十五里。本漢沙南縣地。隋唐勝州榆林郡治所。明嘉

靖間為鄂爾多斯所據。本朝順治初。其台吉從額璘臣來歸。

封爵。世掌左翼後旗。

蒙古遊牧記。左翼後旗。本漢沙南縣地。隋唐勝州榆林郡治。

札薩克固山貝子游牧。額璘臣從弟沙克扎。崇德六年來朝。

順治七年封札薩克固山貝子。世襲罔替。牧地東至黃河。冒

帶津。南至賀陀羅海。西至察罕額爾吉。北至黑水泊。東南至

阿魯得勒蘇。西南至哈錫拉克陀羅海。東北至台碩額勒蘇。

西北至綽和爾末里圖。北薩克駐巴爾哈遜湖。

案漢沙南縣故地。依水經注所述。河流次序稽之。在沙陵

之南。楨陵之西。黃河右岸。即黃河東流南曲處。此正今左

翼前旗地也。遊牧記沿一統志舊說。識於後旗界。未免稍

與漢代郡縣地望不符。揆二書致誤之由。雖不敢武斷著

者於纂書時不考輿圖。然核其所記左翼前後旗駐套方
望則確有似乎重師心而昧實況者。大抵著者之意以為
全部既號兩翼。勢當就套境中分。而以東半為左翼。左翼
既有中前後三旗。則前旗在南。後旗在北。而以中旗位於
中。若更合右翼而就全套計之。豈非左翼前旗在東南。而
後旗在東北乎。殊不知此就方隅理想推之。則然耳。實際
情況固未必如是也。乃二書竟依此意置後旗於東北。而
置沙南於後旗。謂其不考輿圖。豈苛論哉。蓋左翼後旗牧
地適居於套境之正北邊。東接左翼前旗。而西接右翼後
旗。以漢制論。當為朔方郡之東部。而位於五原郡中部之
南。其界內應得朔方郡之渠搜及五原郡之河陰兩縣地。
至於沙南則別隸雲中郡。其故地應緊附於套境東北。黃

河東流南曲之岸灣內。此以古地論與五原朔方無涉。以今地論亦與左翼後旗無涉也。惟昔之志地諸書即一統志遊牧記以外亦往往多以左翼後旗置東北而引用舊說者遂皆姑沿其謬而莫能改。此殆學者積非成是之習。有以致然歟。今於舊說之後略辨數語以俟後之學者益求其是而更詳考焉。

右翼前旗

鄂爾多斯右翼前旗亦稱烏審旗其牧地居河套中部稍東而近南蓋名稱雖曰前旗而佔地却在右翼中旗之東再東即與左翼中旗及右翼前末旗毗連南接陝北長城界清初封額璘臣從子額琳沁為札薩克固山貝子世襲罔替是為此旗之祖其旗境沿革漢時北部屬朔方南部屬上郡隋唐以來南部為

夏州東境。北部為勝州。西南境。然唐之中葉。嘗析勝州之西南地。置麟州。則旗之北部。或曾隨時制。而改隸麟州也。唐末拓跋思恭。以定難軍節度使。據有夏。經銀。宥等州。是先得套境西南之大部。而後取其全境。自是至於元初。遂歷為拓跋夏所獨踞云。

重修清一統志。右翼前旗駐套內巴哈池。在教西喜峯西九十里。東西距一百八十里。南北距二百七十里。東至插漢額爾吉左翼中旗界五十里。西至摩多圖插漢泊右翼中旗界一百三十里。南至榆林衛邊城界二百三十里。北至五藍俄博右翼後旗界四十里。東南至插漢俄博邊城界二百里。西南至芥喀圖虎刺虎邊城界三百里。東北至哈達圖泊左翼後旗界三十里。西北至插漢扎達海右翼中旗界六十五里。

隋唐夏勝二州地。明初榆林右衛地。後為鄂爾多斯所據。本朝順治初。其台吉從額璘臣來歸。封爵。世掌右翼前旗。

蒙古游牧記。右翼前旗。隋唐夏勝二州地。札薩克固山貝子游牧。額璘臣從子額琳沁。順治六年封札薩克固山貝子。世襲。圍替牧地。東至察罕額爾吉。南至榆林衛。西至摩多圖察罕泊。東南至察罕鄂博。西南至芥喀圖瑚拉琥。東北至哈達圖泊。西北至察汗扎達海。扎薩克駐巴哈諾爾。

案游牧記。據清一統志所考。謂漢奢延縣故城。在右翼前旗西南界。遂依原文。註於旗界西南。至介喀圖瑚拉琥。句下。蓋奢延本漢上郡屬邑。今旗境南部固兼得漢上郡地。則奢延之在旗界。實無可議。惟於同條下。又引元和志以唐之新舊兩宥州及靈州以南之魯麗合塞依契等六胡

州亦并以入註。一若上述諸州皆在今右翼前旗界內者。殊不知今旗南部位於夏州之東。而唐之新宥州則在夏州西北三百餘里處。又在舊宥州之東北三百里。據此推之。則夏州已在旗地之西。而舊宥州又在夏州之西。此兩州居中之正北三百里。乃新宥州。顧此三州故地。依套境形勢測之。皆在右翼中旗界。因右翼中旗位居全套之西南。又為伊盟牧地最廣之一旗。故唐代套境西南諸州實多括於此旗疆域之內。張氏以夏宥二州在套境之西南。而遂置於右翼前旗之西南界。與漢上郡奢延縣連續成文。此誠不免稍疎耳。至於魯麗含塞依契等六州。更在右翼中旗之西南。與前旗固渺不相涉也。依元和志。靈州在新宥州西南六百五十里。而此六州則又置於靈州之南界。

由是揆之。可知六州故地。不特與前旗牧地無關。即就中旗形勢論。亦僅在其西南。而不在其界內也。

右翼後旗

鄂爾多斯右翼後旗。亦稱杭錦旗。其牧地居河套西北部。西北

兩面皆臨大河。東接左翼後旗。南及東南則接右翼中旗。與前

旗界。其古代沿革固純然為漢朔方郡故地也。隋唐置豐州。亦

嘗標九原五原之號。五代以後。久為拓跋夏所踞。元初蒙古取

之。清初先封額璘臣。從子小札素為札薩克鎮國。傳至其孫

都梭。於康熙三十七年。叙從征。噶爾丹督護糧運。功。晉固山貝子。

仍世襲罔替。是為此旗之祖。

重修清一統志。右翼後旗駐套內西北鄂爾吉虎泊。在巴爾

哈孫泊西一百七十里。東西距一百八十里。南北距一百六

十里東至兔毛河左翼後旗界四十里南至喀喇北喇克左
翼中旗界一百四十里西至馬陰山右翼中旗界一百四十
里北至色特勒黑冒頓烏喇特界二十里東南至巴彥泉左
翼後旗界一百五十里西南至達爾巴哈岡右翼中旗界一
百五十里東北至拜塞冒頓烏喇特界四十里西北至哈祿
爾博羅烏喇特界一百八十里漢朔方郡地隋唐為豐州九
原郡治所明嘉靖間為鄂爾多斯所據本朝順治初其台吉
從額璘臣來歸封爵世掌右翼後旗
蒙古游牧記右翼後旗漢朔方郡地隋唐為豐州九原郡治
扎薩克固山貝子游牧額璘臣從子小北木素順治六年大
北木素叛小北木素不附逆詔封扎薩克鎮國公世襲罔替
孫都稜康熙三十七年叙從征噶爾丹督護糧運功晉固山

貝子。牧地東自兔毛河至喀喇扎喇克。西至噶扎爾山。北至塞特勒赫墨突。東南至巴彥泉。西南至達爾巴哈岡。東北至拜塞墨突。西北至哈洛爾博羅。札薩克駐鄂爾吉虎諾爾。案右翼後旗牧地。皆在漢朔方郡轄境內。較他旗之兼跨數郡邊界者。微異。故其沿革亦較他旗牧地為特簡。計旗界內。朔方郡屬縣之可稽者。依水經注。有臨戎。廣牧。朔方等三縣。此沿黃河南岸。自西向東。駢列之。漢縣形勢也。至於黃河北岸。今臨河縣境。亦尚有後旗牧地一小部。而漢朔方郡。臨河縣。亦在河北。是後旗兼括古臨河故地。惟三封窳渾沃野三縣。皆在套境西北。黃河外。其故地當屬今阿拉善部。殆與後旗無涉也。自漢以後。僅隋唐於旗境置豐州。五代以下。殊少建置。而漢唐史蹟俱詳。省縣疆域沿

革茲固無須更贅矣。

右翼前末旗

鄂爾多斯右翼前末旗亦稱札薩克旗其牧地介於左翼中旗

與右翼前旗之間蓋鄂爾多斯全部最初祇有左翼中前後與

右翼中前後之六旗為明中葉以來濟農家弼哩克圖墨爾根

號車臣可汗者諸子所傳衍逮清順治中有烏巴什者為額璘

臣從曾孫定喇什之曾祖以不附叛逆始受封為二等台吉

其後數傳屢以功晉為一等台吉至乾隆初乃以族繁別增一

旗其立旗在後故牧地亦最狹且未受王公貝勒貝子等封爵

僅以台吉兼掌札薩克印是以人皆稱之為札薩克旗焉其沿

革當為漢上郡之北部晉隸前後秦嗣為赫連夏畿內地北魏

隸統萬鎮後為夏州東部轄境唐為銀州邊地五代以後入於

拓跋夏。自元歷明迄於清。迭為蒙古所據。其史蹟與其他六旗略同云。

重修清一統志。添設一旗。遊牧六旗界內。定咱拉什本鄂爾

多斯三等台吉。以擊敗準噶爾功。雍正九年授札薩克一等

台吉。世襲掌旗。

蒙古遊牧記。右翼前末旗。札薩克一等台吉。遊牧額璘臣從

曾孫定咱喇什。曾祖烏巴什。號都噶爾岱青。順治六年。以不

從大札木素叛。授二等台吉。康熙十四年。從大軍剿平花馬

池。定邊城諸賊。晉一等台吉。尋卒。子索諾木。多爾濟。孫桑忠

多爾濟。皆襲三等台吉。定咱喇什。即桑忠多爾濟長子。雍正

九年。叙屢次從軍斬馘功。晉一等台吉。乾隆元年。議族屬繁

增旗一。授札薩克。四十九年。詔世襲罔替。所部七旗同牧。自

為一盟。曰伊克昭。本貢道由殺虎口。
案右翼前未旗受封之始祖烏把什。本鄂爾多斯全部頗
袖濟農額璘臣之族弟。原不在六旗。札薩克正傳系統之
內。且當其受封時。六旗收界早經分割。無隙地可給。故一
統志謂其遊牧六旗界內者。此指其最初情況言之也。逮
乾隆初。藉口族繁。請別立一旗。時實以前此無界之遊牧。
每為六旗官民所不愜。而烏氏子孫亦以生齒日衆。其部
屬又往往為他旗排擠。不能得水草優沃之地。以資駐牧。
故其汲汲於請求增旗者。其本意固側重於請求分地也。
嗣清廷鑒其處境之難。又以此旗與右翼前旗為近。枝爰
編諸右翼。而以前未名其旗。並令六旗各析邊地一段。與
之。俾得自立。以世其家。而六旗中有與壤地隔絕。如左前。

右中等旗。既不能遙為析贈。則不得以願析之地先贈。於介居之旗。更由介居者增析一倍。以附益於新設之旗。至今左翼中旗界內。猶有左翼前旗補給之地。右翼前旗界內。亦有右翼中旗補給之地。其人民皆能歷歷言之。然則新旗牧地獨較狹於同部六旗者。亦其時勢使然耳。

土默特特別旗

土默特特別旗。曩稱歸化城土默特。因東蒙卓索圖盟有自此

間析出之部眾。別自成旗。亦稱土默特。故此冠歸化城以別之。

考歸化城土默特。自前明中葉創立部號以來。即以此城為其

部長駐治之地。城始由諸達建於嘉靖間。而明史則紀在隆慶

中。此蓋以其通款受爵之年計之也。史謂此城曰板升。清一統

志改作拜牲。皆譯言庭屋。而蒙人自稱則謂之庫克哈騰。譯言

青城至今猶然。且土默特原制本為一部二旗。分左右翼。今人見其左右翼并歸一長官統轄。遂習焉不察。以為是一旗而分兩翼。殊不知中國北部內外蒙古各盟旗中。但有一翼分為數旗者。斷無一旗而分兩翼者。此蓋盟部大於翼。而翼常大於旗之定制也。觀於代清編定官書。如一統志及理藩則例諸典籍中。莫不明著歸化城土默特左右翼共二旗之條文。此足證土默特於開創之初。其規模制度固已與其他隸盟諸旗迥然不同矣。按蒙古自成吉思汗一系。勃興漠北以來。雖嘗統一諸部族。但仍多沿用各部族原名。而未嘗別立盟旗之號。惟於各部族之人口壯丁。則悉以兵法部勒之。而編為左右翼。近世中西史家紀述元初兵制。往往有所謂左手軍右手軍之稱。此皆未習蒙文慣例者。不解以手代翼之意。故於轉譯時。直以左翼為左

手。右翼為右手。緣蒙語左翼曰郡格爾。今多譯作準格爾。右翼曰巴楞格爾。若直譯之。則應為東手。西手。然字雖脗合。而語實不典。故明其意義者。仍皆譯為左右翼也。此為元初以部族原名分翼之證。其後成吉思汗子孫悉遵此制。未敢或改。觀明史韃靼傳。於蒙古各系。祇稱部落。而蒙古源流於達延汗所屬有左右翼濟農。則知明代蒙古猶沿斯制。洎乎滿洲族以八旗起建州。先略定內蒙諸部。於是就諸部土地之廣狹。人口之衆寡。頒以清制。而為之編旗。復參以元制。而為之分翼。又就各旗之壤地相接者。或合數旗。十數旗。分兩翼為一盟。如伊克昭盟之類。是。或合數旗。十數旗。分兩翼為二盟。如青海左翼盟。右翼盟之類。是。或分二旗為兩翼。而各隸於一盟。如喀爾喀左翼旗。隸胎烏達盟。右翼旗。隸烏蘭察布盟之類。是。或分二旗為兩翼。而

不隸於盟。如歸化城土默特之類。是不隸盟之蒙古部。皆謂之特別旗。歸化城土默特以外。在東北者。有伊克明安旗。在西北者。有阿拉善旗。皆其例也。惟伊阿皆一旗。故不分翼。而翼與盟旗。則固參合元清兩朝規模而成之。近代蒙古制度也。至於特別旗。由來大略言之。不外三端。或以處境僻遠。不能加入山河阻隔之別盟。或以前世地位尊貴。部落強盛。清廷不欲令與他旗聯合。或以設旗稍晚。已在各盟劃分之後。不便多所紛更。凡如此者。皆令特立自治。而沿為特別旗。如伊克明安屬於前一端。阿拉善屬於後一端。獨歸化城土默特以順義王諸達舊部改旗制。實符於上述之中一端。當明宏治中。蒙古各部共立小王。子近支為達延可汗。駐治察罕。為韃靼共主。察罕。舊籍亦延。察哈爾。是為達延汗本部之名。清一統。謂達延汗乃分東

西各部為左右翼。並以第三子巴爾蘇博羅特為左翼。濟農。巴爾蘇博羅特死。其長子袞弼哩克圖墨爾根襲濟農號。專管河套各地。其次子諳達別管河套以東陰山前後各地。即今土默特與烏盟一帶也。彼時袞弼哩克圖墨爾根稱車臣汗。而諳達則稱阿勒騰汗。此為巴爾蘇博羅特之二子。分管察罕部右翼全境之始。其後袞弼哩克圖墨爾根生九子。除以第六第七兩子遠封於左翼。今東蒙之浩齊特科爾沁等處外。其餘七子均分牧於河套內。而諳達則以統部既廣。享年又永。比其晚歲。則河套諸部領袖皆其兄子。故彼能指揮而號令之。明史載諳達對宣大總督王崇古使者言。朝廷若能封我為王。我能戒諸部勿任侵邊。誠以諳達爾時年尊輩長。強盛冠於諸部。用敢不顧異議。毅然以保邊自任。雖至明末。子孫漸弱。然稍後由呼倫貝

爾及喀爾喀。從來各部。猶借其山後轄地。俾資駐牧。並同受諸
達子孫之約束。今爲盟喀爾喀右翼旗。西北近漠處。有小山。其
峭峻之石壁上。猶留人工刻成之野羊形蹟。是爲土默特當年
與漠北蒙部分界之標識。亦即今爲盟各旗最初借地於土默
特之遺證也。且烏盟各旗會盟之地。曰烏蘭察布。其地址至今
猶在土默特山後轄境內。此因當時語達以順義王爵傳於後。
故其子孫世世爲陰山前後諸部長。而山後諸部亦遂不得不
趨踰來集於王之屬境耳。迨清兵既滅察罕而定西蒙。語達裔
孫以被誣削爵。於是改全部兩翼爲二旗。而以左右翼世襲。兩
都統分領之。是爲清初土默特特別旗改制之始。蓋彼時清廷
既不欲令土默特仍長諸部而居統制之階。亦不肯蠲其地位
而使受他部之命。擇於二者之間。爰成特立之制。意彼時清廷

於此。殆亦頗費斟酌。至於土默特自明以來之歷史。事蹟已
依類詳著於民族宗教人物各門。無待複述。其牧地幅員最初
本極廣袤。計南至邊牆。北連瀚海。東接察罕。西抵狼山。迨明末
北境各地。既為他部借牧。勢難收回。而清初封建烏盟。遂即劃
為各旗。固有之地。今土默特所轄者。計為河套以東及陰山以
北之一大部。界內共設七縣。即歸薩包武托和清等七邑也。其
疆域沿革。亦與七縣略同。惟旗邊之一二縣轄地。間有跨入他
旗界內者。茲就土默特兩翼所屬撮要紀之。庶便與省縣沿革
相比而觀焉。

土默特左翼

自歸化城今歸化縣以南。歷和林。清水河。至晉北邊牆。又自城東至
察哈爾。鑲藍旗界。又自城北。歷山後。武川。與烏盟。四子部。喀爾

喀右翼茂明安烏喇特東公等四旗接界。是為土默特左翼管轄地。當戰國以前。林胡匈奴共居之。自趙武靈王循陰山築長城。於是山南為趙界。屬雲中。山北為徼外。屬匈奴。而趙所置原陽騎邑。則在今城東南。黑河左岸。秦既併六國。仍沿舊稱。置雲中郡。漢初析雲中全境之東南部。別立定襄郡。而土默特左翼。遂兼跨雲中定襄二郡屬地之各一部。大抵自今之和林縣北界以南。至邊牆。又東緣歸綏縣之東南邊。至鑲藍旗西界。為定襄郡之戍樂武進定襄。桐過四縣與夫駱之北部。武舉之西部。各一隅。又自今之歸綏縣南界。直北至陰山以東。為雲中郡之北興。武泉。原陽三縣。與夫陽壽之東半壁。自陰山以北。則仍為匈奴地。計漢定襄郡屬縣十二。其在土默特左翼界者。凡四縣。有餘。雲中郡屬縣十一。其在左翼界者。凡三縣。有半。合而觀之。

即陰山以南。約可當漢制八縣幅員也。北魏初興。先據漢定襄。故地。其首都盛樂。仍沿成樂之舊。後置雲州。朔州。隋於朔南置紫河鎮。唐置振武軍。單于大都護府。遼於稍北置豐州。天德軍。轄富民。振武等縣。隸西京道。金因之。元改豐為下州。隸大同路。又於陰山。旬城以北。置沙井總管府。明初置玉林。雲川等衛。後入於蒙古。清置歸化。和林。格爾。清水河。武川。四廳。民國以來。改為縣。此皆土默特左翼轄境內。自漢迄今。之建置沿革大略也。土默特右翼。自歸化城以西。陰山以南。黃河以北。歷托克托。薩拉齊。二縣轄境。至包頭縣城。西門外五里鄂博。與烏喇特後旗接壤。又沿河岸。與鄂爾多斯左翼前後二旗分界。是為土默特右翼管轄地。當戰國以前。亦林胡匈奴居之。自趙武靈王攘地至高闕。後遂

為雲中九原屬境。秦置邊郡，仍用舊名。漢惟改九原為五原，而置縣漸繁。今之歸綏、西部及薩托二縣，為雲中郡之雲中、沙陵、楨陵、咸陽、犢和等五縣。及陽壽之西半壁，又西至今包頭縣城、西門外之大鄂博，為漢五原郡之朔陽一縣。計漢雲中、五原二郡屬縣，其在土默特右翼界者，共約六縣，有半也。後漢建武中，南匈奴右奠韃日逐王降漢，保光祿、五原、朔陽諸塞以南，自是至於漢末，沿邊郡縣日就湮廢。迨晉五胡亂起，苻秦嘗擊敗匈奴劉氏、鮮卑拓跋氏，而略得漢五原、雲中之地。苻氏敗後，鮮卑復興，亦擊破匈奴。劉衛辰直力鞬父子而收雲中、西部及五原故地。隋為突厥所踞，唐置中、東、西、南四受降城，以東部隸振武軍，單于、大、都、護府，以西部隸天德軍，安北大、都、護府。唐末置雲中守捉使於今薩縣境，遼以東部屬東勝州，以西部屬雲內州。金因

之。元降東勝。雲內為下州。並隸大同路。明初置東勝五衛。有一

二衛在右翼界。案明初設衛處有地名什報齊村也。後悉入於蒙

古。清置托克托薩拉齊二廳。民國以來改為縣。並增置包頭一

邑。此皆土默特右翼轄境內。自漢迄今之建置沿革大略也。

重修清一統志歸化城土默特特左右翼二旗俱駐歸化城。在殺

虎口北二百里。東西距四百零三里。南北距三百七十里。漢定

襄雲中二郡地。後漢屬雲中郡。後魏初建都於此。號盛樂城。

後置雲州。頌盛樂雲中等郡。隋復置定襄郡。唐置單于大都

護府。五代後唐時入遼。置豐州天德軍。屬西京道。元屬大同

路。明宣德初築玉林雲川等城。設兵戍守。後為蒙古所據。嘉

靖間諳達駐牧豐州灘。築城架屋以居。謂之拜牲。是為西土

默特。隆慶間封諳達為順義王。名其城曰歸化。本朝天聰六

| | | | | | | | | | | | |
|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|
| 十九年分設清水河薩拉齊和人格爾托克托城通判與歸 | 駐劄城中二十八年以兩翼旗都統事務改歸將軍管轄二 | 知等官乾隆四年於歸化城之東北築綏遠城移鎮守將軍 | 皇帝自白塔駐蹕於此其官制並同內地雍正元年增設同 | 並世襲設佐領協領等員皆駐城中康熙三十五年聖祖仁 | 尋杭高子巴桑以罪削職順治四年授託博克為右翼都統 | 義王印編為二旗以古祿格為左翼都統杭高為右翼都統 | 古祿格杭高託博克來朝命偕俄水布返并還其世所守順 | 西土根汗謀叛事覺誅茂罕執俄水布以還崇德九年其酋 | 俄水布乳母之夫茂罕潛與阿祿哈爾噶通偽稱俄水布為 | 九年大軍滅察哈爾命貝勒岳脫駐守歸化城格根汗之孫 | 年太宗文皇帝親征察哈爾駐蹕歸化城土默特部落悉降 |
|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|-------------------------|

化綏遠二同知共屬歸綏道。隸山西省。其土默特編分旗地如故。又有輔國公一。乾隆二十一年封。世襲貢道。由殺虎口案清。一統志載。俄木布被執得釋。并還其世所守順義王印。一若俄木布已因還印而復爵者。然未稱。又有輔國公一。乾隆二十一年封。又似於王爵之外。復增一輔國公者。然實則俄木布世守之印。雖蒙賜還。而世襲之王爵迄未得復。但免罪廢為庶人。在當時固謂已邀寬典矣。康熙三十五年。清帝征噶爾丹。駐蹕歸化城。俄木布之孀攜孤子叩行在。鳴冤。帝許於班師時為案治之。先賞其子一台吉。以示恩慰而已。蓋俄木布之失爵實被誣而非其罪。先是土默特部既降清。而明尚未亡。適有部人杭皋與古祿克者。欲陷其主。以媚清將。而希寵榮。乃偽為密函。使俄木布

乳母之夫茂罕。間道至明邊。投阿祿哈爾噶。求轉達於明廷。茂罕甫行。而杭皋等即赴清。駐軍貝勒岳脫營。告密。追茂罕。還殺之。而俄木布亦坐是被囚革。杭古二人得以功擢世襲。左右翼都統。彼孀孤之訟冤。其哀情固指此也。其後清帝返駕。不復經故道。於是班師案治之約。遂因曠日而頓寢。自是俄木布之子孫。祇能以閒散台吉守其山後私業。而不復有昭雪問政之望矣。乾隆中外蒙青滾雜布作亂。為清軍擊潰。脫走。清廷懸賞購之。時俄木布之裔孫有名喇嘛。扎布者。襲台吉職。素與青滾雜布善。青滾往來投之。遂被擒。既而奉旨將獻俘於京師。不虞青滾中途仰藥死。朝議以喇嘛扎布疎忽薄其賞。僅賜輔國公。雖予世襲。而仍不得預旗政。蓋是時旗政歸都統管轄。已踰百年。

清廷以至旗衆。俱不欲多所紛更耳。一統志所謂又有輔國公一云者。非順義一系之外。別有一輔國公。實俄水布失爵後。又數代而始得一閒散公爵之謂也。至於土默特名稱之由來。或謂土默特者。圖孟之轉音。蒙古語萬數之意。因當初以萬人成部。故稱之曰圖孟特也。明史土蠻即萬衆之意。或謂土默特者。惕面之轉音。蒙古語駱駝之意。因當初編輜重隊為部。而輜重之運輸皆用駱駝。故稱之曰惕面特也。或又謂土默特者。吐柏塔之轉音。而吐柏塔為自唐以來之西北部落。遼傳至明。遂又訛轉為土默特。凡此三說。或出於鑿空妄度。或出於望文生義。合而觀之。皆無當於析疑辨惑。探本窮源之謬論耳。夫明史雖有土蠻稱部之文。但原指察罕部之小王子。非指順義王也。次如惕面名

部。尤屬不經。無待深考。而吐柏塔之在中國西北部。自古

雖有此稱。然彼為吐蕃族之羌人。非匈奴族之韃靼也。蓋

吐柏塔為藏族甚古之別名。故古人截其第一字以吐蕃

呼之。至今蒙語仍稱之曰突不達。惟藏人不喜聞此稱。是

以蒙人互語用突不達。若對藏人則稱以湯谷達。常即用之言

唐古特也豈可撫拾古今藏族之總名。而謬指為蒙古部落創

始之號哉。考成吉思汗之初起。其所併尼倫附近諸部中

有名禿馬惕者。見多桑蒙古史牧地在貝加爾湖東北。歸元以後

部衆隨大軍遠征。遂展轉駐牧於漠南。意元亡。或嘗服屬

於永謝布台吉。或作師台吉敗走。遂為達延汗所遣右翼濟

農屬部。而順義王諳達本第一世濟農子。第二世濟農弟。

則其接統永謝布遺衆。而稱禿馬惕為土默特。實極可信。

耳。今土默特蒙衆舊部之鐵證也。

察哈爾右翼四旗

察哈爾本蒙古語。漢譯為邊界之意。自遼金以來。皆於國境之

北界掘濠塹築邊牆。以為漠南漠北鴻溝之限。而遼金兩朝且

皆擇近北部落之忠誠而强悍者。優其禮祿。寄以心腹。俾長司

傾候。專任守邊之責。如元初成吉思汗伐金。擊敗之塔塔部。汪

古部。皆當時守邊之尤著者也。故自元迄今。蒙古各部皆稱此

塞北近邊一帶曰察哈爾。迨明之中葉。元裔達延可汗統制韃

靼諸部。自號土蠻。駐治察罕。以為居中集權之地。是以明史及

諸載籍記述當時蒙古各部落。率言服屬於察罕部。實則達延

可汗所創之察罕部。本為爾時各部韃靼所公認之共主所在

地。擬諸中國。猶之乎古代所謂京兆三輔。直隸畿甸也。察罕或

作插漢。皆前代簡語。若蒙語全稱。則應作恰哈勒蒙文。則又應讀作甲哈勒。今譯為察哈爾。蓋以喀爾喀語音為準焉。惟此地自達延可汗特標此名。厥後子孫相傳。皆沿而不改。至其末世。喬孫立格登可汗。即清史所謂林丹汗。挑釁於滿洲。致被伐亡。國走死青海大草灘。於是察哈爾前段建立部號之史蹟亦隨可汗之敗滅而告終。洎清初重編察哈爾八旗。雖仍沿用舊名。然其間已非盡屬林丹遺眾。蓋已有喀爾喀厄魯特等降部參入矣。且察哈爾旗制之編成。非特與隸盟各旗不同。即與特別旗如土默特阿拉善等部亦大異其趣。良以蒙古各旗祇有左右前後之分。從無紅黃藍白之別。其凡以四色分旗者。皆依滿洲八旗定制為法也。考前清滿洲八旗中。雖京師及各省駐防軍亦無不有蒙古旗在內。顧其所異於蒙疆諸旗者。厥惟此紅

黃藍白之稱號耳。今察哈爾既分八旗。又標四色。其規模制度。殆全與滿洲相同。若就前清典例論。則察哈爾固隸於滿籍之。蒙古旗也。頃年以來。右翼四旗已析隸。綏省管轄。茲擇其疆域沿革之較著者。述之如左。

右翼正黃旗

察哈爾正黃旗。右翼四旗中最東之一旗也。戰國以前。本代子

國之西北邊地。襄子滅代。地遂入於趙。其後武靈王築長城。東

起自代。傍陰山。傍史記作並。西至高關。今正黃旗南境諸山。當

為長城所經處。漢初嘗以雁代五十餘縣置代國。今旗南部亦

當在代國界內。嗣復稱代郡。置且如。延陵等縣。北魏置六鎮。以

地隸柔元。金置撫州威寧縣。元立興和路。領威寧縣如故。明為

天成衛邊外地。即蒙古察罕部所踞也。清編察哈爾八旗。遂為

右翼正黃旗駐牧之地。民國因之。至今仍用舊稱云。

重修清一統志。正黃旗察哈爾駐水孫忒克山。在張家口西。北三百二十里。漢置且如縣。屬代郡。後漢省。後魏置柔元鎮。金為撫州威寧縣地。明為天成衛邊外。本朝為正黃旗察哈爾駐牧。

案漢代郡所屬延陵。且如等縣。皆在旗境東南部。金元之威寧縣。則在旗境西南部。北魏有所謂長川城。則居中而介於二者之間。其柔元鎮。則又在長川之東。漢縣之稍北。總之。歷代建置。大率皆位於旗境之南半部也。至於旗屬北部。本為荒寒僻遠之區。地既近漠。建置自稀。非特戰國秦漢之世。號稱徼外。即北魏遼金原以北。族建國者。亦尚未能遠踰於六鎮及撫州之北。雖元之興和路所領四縣。

亦俱偏南而近邊。其於北部殆未能有加於前。此諸朝則旗屬北境之無可述。亦其地勢使然也。

右翼正紅旗

察哈爾正紅旗。右翼四旗中自東~~遞~~西之第二旗也。戰國至秦

並匈奴居之。漢置雁門郡。以為徽外地。北魏隸撫冥鎮。金之撫

州蓋猶沿魏鎮舊名。領威寧集寧等縣。元初改興和路。仍領故

縣。後升集寧為下路。別設總管。領一縣。仍稱集寧。今經東之集

寧縣。則又沿金元縣名以為名也。明入於蒙古。號察罕部。清編

察哈爾八旗。遂為右翼正紅旗牧地。民國因之。迄今未改。

重修清一統志。正紅旗察哈爾駐古爾板拖羅海山。在張家

口西北三百七十里。漢雁門郡北境。明大同府邊外。本朝為

正紅旗察哈爾駐牧。

右翼鑲紅旗

察哈爾鑲紅旗。右翼四旗中自西遼東之第二旗也。漢以前為

匈奴地。漢置雁門郡以為北境。北魏隸撫冥鎮。界內有九十九

泉。為北魏諸帝常幸之區。北行可通石漠。亦當時出兵要道。遼

為豐州東界。遼志豐州有隸西京道金隸西京路元屬集寧為

獨立下路。明入於蒙古。號察罕部。清編察哈爾八旗。遂為右翼

鑲紅旗牧地。民國沿而未改。

重修清一統志。鑲紅旗察哈爾。駐布林泉。在張家口西北四

百二十里。漢雁門郡北境。明大同府邊外。本朝為鑲紅旗察

哈爾駐牧。

案布林泉譯為溫泉。至今此蹟猶存。土人築室於旁。並以

甄石甃護之。此方居民患疥癬未疾者常往就浴。唐詩所

詠暖川在綏西烏喇特境內。蒙語亦謂之布林泉。蒙語謂泉曰布

洛此東兩泉遙遙相對。其於沿革建置並稱寥落之蒙疆。

不可謂非饒有別趣之名蹟云。

右翼鑲藍旗

察哈爾鑲藍旗。右翼四旗中自西~~遼~~東之第一旗也。漢以前為

匈奴地。漢置雁門。定襄二郡。南置沃陽縣。隸雁門。北置武要。隸

定襄。北魏置涼城郡。領參合縣。在今旗境之中南部。遼以北

為豐州東境。以南部為德州。宣德縣隸西京道。金改宣德為宣

寧。隸西京路。元降豐為下州。隸大同路。明入於蒙古。為察罕部

之最西界。清編察哈爾八旗。遂為右翼鑲藍旗牧地。民國沿而

未改。

重修清一統志。鑲藍旗察哈爾駐阿巴漢哈喇山。在殺虎口

東北九十里。漢雁門郡沃陽縣地。後魏梁城郡參合縣地。明

大同府西北邊外。本朝為鑲藍旗察哈爾駐牧。

案察哈爾雖仍沿明達延可汗所創之舊名。並居其故地。

清初編旗。雖亦仍有達延可汗裔孫立格登汗之舊部。然

既雜以喀爾喀與厄魯特等眾。又依滿洲制。標以紅黃藍

白等名。右翼無旗。故其旗制不設札薩克及王公世爵。而前

代世系亦遂因以湮沒不可考。此亦察哈爾歷史之一憾

也。蓋自達延至立格登為六世。自立格登子孔果爾額哲

降清。又傳至布爾呢兄弟。以謀亂被徙後。其子孫遂不可

問。今之察哈爾固不知孰為嫡嗣矣。

綏遠省各盟旗疆域沿革表

旗代朝

戰國

秦

西漢

東漢

三國

晉

後魏

齊周

隋

唐

五代

宋遼金

元

明

清

四子王旗

匈奴所居地

同上

雁門定襄徽外地

匈奴地

同上

拓跋氏地

撫冥鎮

荒

荒

隸振武軍兼單于大都護府

遼豐州東北境。隸西道。

金甌豆州東北境。隸西道。

淨州路及沙井總管府之各一部

察罕部蒙古右翼屬地

諾延泰四子牧地

喀爾喀右翼旗

雲中徽外匈奴居之

同上

同上

同上

武川鎮

隸振武軍兼單于大都護府

遼豐州北境。隸西道。

金淨州。隸西道。

淨州路

察罕部蒙古汗屬地

貝勒旗

茂明安旗

匈奴所居地

同上

五原塞外地

懷朔鎮

北部突厥據有

振武軍兼單于大都護府轄境

遼東勝州北境。隸西道。

金東勝州北境。隸西道。

隸德寧路

入於蒙古

茂明安部牧地

| | | |
|-----------|--------------|-------------|
| 鄂爾多斯左翼前旗 | 鄂爾多斯左翼中旗 | 烏喇特右旗 |
| 樓煩地 | 樓煩地 | 匈奴所居地 |
| 九原郡西河郡各二部 | 新秦中東西南河郡之境 | 高闕北假九原 |
| 西河雲中二郡之各部 | 西河朔方上郡三郡樓煩界地 | 山南為五原郡 |
| 匈奴南 | 匈奴南 | 北為荒廢 |
| 同上 | 同上 | 同上 |
| 同上 | 同上 | 同上 |
| 東夏州 | 東夏州 | 沃野鎮 |
| 銀州 | 荒 | 廢 |
| 榆林郡勝州屬 | 勝州轄境 | 大同城 |
| 河濱麟州 | 綏州 | 初分隸於瀚海呼延等 |
| 夏 | 西夏 | 都督。天德軍。兼京道。 |
| 西夏 | 西夏 | 遼雲內州。隸西京路。 |
| 東勝州 | 東勝 | 雲內州。隸大同路。 |
| 鄂爾多斯 | 鄂爾多斯 | 瓦刺所據地 |
| 鄂爾多斯左翼前旗 | 鄂爾多斯左翼中旗 | 烏喇特右旗 |

| 鄂爾多斯右翼前旗 | 鄂爾多斯右翼中旗 | 鄂爾多斯左翼後旗 |
|------------|------------|---------------|
| 樓煩地 | 義渠地 | 胡牧之塲 |
| 上郡 | 中秦郡 | 九原郡 |
| 上郡與朔方各郡之一部 | 朔方郡之南及北地之隔 | 朔方郡之東北及五原郡之一部 |
| 南匈奴 | 南匈奴 | 南匈奴 |
| 同上 | 同上 | 同上 |
| 同上 | 同上 | 同上 |
| 夏州 | 東夏州與西夏州之一部 | 東夏州 |
| 夏州 | 荒 | 荒 |
| 朔方郡 | 廣門靈武二縣地 | 豐勝二州連界處 |
| 夏州宥州 | 豐勝二州轄境宥州地 | 連界處 |
| 西夏 | 西夏 | 金肅州 |
| 西夏 | 西夏 | 屬 |
| 屬延安路 | 屬寧夏路 | 內州 |
| 鄂爾多斯 | 鄂爾多斯 | 鄂爾多斯 |
| 鄂爾多斯右翼前旗 | 鄂爾多斯右翼中旗 | 鄂爾多斯左翼後旗 |

| 鄂爾多斯右翼後旗 | 鄂爾多斯右翼前旗 | 鄂爾多斯右翼中旗 | 鄂爾多斯右翼前旗 | 鄂爾多斯右翼中旗 | 鄂爾多斯右翼後旗 | 鄂爾多斯右翼前旗 | 鄂爾多斯右翼中旗 | 鄂爾多斯右翼後旗 |
|----------|----------|----------|----------|----------|----------|----------|----------|----------|
| 胡牧 | 樓煩 | 樓煩 | 樓煩 | 樓煩 | 樓煩 | 樓煩 | 樓煩 | 樓煩 |
| 九原 | 西河 | 西河 | 西河 | 西河 | 西河 | 西河 | 西河 | 西河 |
| 朔方 | 上郡 | 上郡 | 上郡 | 上郡 | 上郡 | 上郡 | 上郡 | 上郡 |
| 南匈奴 | 南匈奴 | 南匈奴 | 南匈奴 | 南匈奴 | 南匈奴 | 南匈奴 | 南匈奴 | 南匈奴 |
| 同上 | 同上 | 同上 | 同上 | 同上 | 同上 | 同上 | 同上 | 同上 |
| 東夏 | 夏州 | 夏州 | 夏州 | 夏州 | 夏州 | 夏州 | 夏州 | 夏州 |
| 荒 | 荒 | 荒 | 荒 | 荒 | 荒 | 荒 | 荒 | 荒 |
| 豐州 | 朔方 | 朔方 | 朔方 | 朔方 | 朔方 | 朔方 | 朔方 | 朔方 |
| 豐州 | 銀州 | 銀州 | 銀州 | 銀州 | 銀州 | 銀州 | 銀州 | 銀州 |
| 西夏 | 西夏 | 西夏 | 西夏 | 西夏 | 西夏 | 西夏 | 西夏 | 西夏 |
| 西夏 | 西夏 | 西夏 | 西夏 | 西夏 | 西夏 | 西夏 | 西夏 | 西夏 |
| 屬雲 | 屬東 | 屬東 | 屬東 | 屬東 | 屬東 | 屬東 | 屬東 | 屬東 |
| 鄂爾 | 鄂爾 | 鄂爾 | 鄂爾 | 鄂爾 | 鄂爾 | 鄂爾 | 鄂爾 | 鄂爾 |
| 鄂爾 | 鄂爾 | 鄂爾 | 鄂爾 | 鄂爾 | 鄂爾 | 鄂爾 | 鄂爾 | 鄂爾 |

雲中
 郡
 雲中
 定襄
 雲中
 二郡
 地
 拓跋
 氏地
 初建
 都號
 威樂
 復置
 雲州
 願威
 樂索
 中等
 郡
 置單
 于大
 都護
 府
 遼置
 豐州
 天德
 軍隸
 道
 西京
 全屬
 西京
 屬大
 同路
 初築
 玉林
 雲川
 等城
 後諸
 達居
 此為
 西土
 默特
 名其
 城且
 歸化

| | | |
|-----------|------------------|-----------|
| 察哈爾右翼紅旗 | 察哈爾右翼正紅旗 | 察哈爾右翼正黃旗 |
| 代子國之西北邊地 | 匈奴之居 | 趙後入 |
| 雁門郡之北境 | 雁門郡徽外地 | 代郡之且如延陵等縣 |
| 同右 | 同右 | 同右 |
| 撫冥鎮 | 撫冥鎮 | 柔元鎮 |
| 遼東州界。西京道。 | | |
| 金隸路 | 金撫州。噶爾。威寧。集寧。等縣。 | 撫州威寧縣 |
| 集寧路 | 興和路。之威寧。部 | 興和路。之威寧。部 |
| 察罕部 | 察罕部 | 察罕部 |
| 察哈爾右翼紅旗 | 察哈爾右翼正紅旗 | 察哈爾右翼正黃旗 |

察哈爾右翼鑲藍旗

地 匈奴

地 匈奴

雁門郡之沃陽縣。定襄郡之武要縣。

同右

涼城郡。合參縣。顧

德州宣德縣及豐州東境。京道。隸西

金宣寧縣。隸西京路。

豐州。察罕

部之西界

察哈爾右翼鑲藍旗

四〇

